

## ҚОЛӨНЕР ЛЕКСИКАСЫНЫҢ АНАЛИТИКАЛЫҚ ТӘСІЛ АРҚЫЛЫ ЖАСАЛАУЫ

Қазақ тіл білімінде сөзжасамның аналитикалық тәсілімен жасалған атауларға сөздердің бірігүй (кірігүй), қосарлануы және тіркесуі арқылы жаңадан пайда болған атаулар жаткызылады.

Кейбір зерттеулерде сөздерді біріктіру тәсілі синтетикалық (морфологиялық) тәсілге жаткызылып жүр. Сөзжасам тәсіліне мұндай жаңаша көзқарасты профессор Б. Қалиевтің, С. Исақовының, С. Сарсеновының енбектерінен кездестіреміз. Ондағы сүйенетін қафіда: тілдік теорияға сәйкес түбір сөз де морфема болып саналады. Олай болса, түбір сөздер біріксе де, қосарланса да оларды екі морфеманың бір-бірімен тоғысуынан жасалған деп қабылдауға болады [1, 33-34]. Біз сөздерді біріктіру тәсілін аналитикалық тәсіл ретінде қарастырдық.

1. Зат есім мен зат есімнің бірігүінен жасалған атаулар. Екі зат есімнің бірігіп айтылуы арқылы тілімізде бірсыныра алтын, күміс құймаларының атаулары жасалған: аттұяқ, құльшынтуяқ, қойтұяқ, тайтұяқ, атантұяқ. Сол сияқты қойауыз, қаскырауыз, кемпірауыз, балықауыз, боріауыз, жылқылауыз, бізтұмсық, аттіс, отқысқаш, торғайауыз – қысатын құрал – қысқыш атаулары. Бетжүздік, бетмоншақ, жақмоншақ, бойтұмар, өніржиек, танагөз, тәркешқап, шашбаутас, шаштенге, шашбау, есектас, козтана, қылышбау, үкіаяқ т.б. – зергерлік бұйымдар, әшекей атаулары.

Зат есім мен зат есімнің бірігүі арқылы көптеген ою-өрнек атаулары жасалған: бөрікұлақ, жұлдызгүл, жыланбауыр, қарғатұяқ, құстандай, түйетабан, қошқармүйіз, арқармүйіз, итқүйрық, алағұрт, аймүйіз, алмагұл, арпабас, атерін, атауыз, бағанорнек, балықкоз, ботатірсек, бөрікөз, бөрікұлақ, ботамойын, моншакгүл, жұлдызқұрт, жыланкоз, тармақорнек, итемшек, иттабан, шожебас, қазтабан, қазмойын, керегекоз, құнкоз, кемпіркосақ, иттіс, құсжолы, құсмұрын, құсқанат, құмырсқаіз, түйемойнақ, тұлкібас, тышқаніз, шыбынқанат, шөмішөрнек, селеубас, танагұл, самаурынгүл т.б.

Аяққап, қазанғап, уыққап, кесекқап, шыныққап, керегекқап тәрізді ыдыс атаулары, аттарақ, бел-күрек, белорақ, шалғыорақ, шоторақ, тісағаш, колшығыр, колтіс (ағаш соқа), желбау (шаңыракты төмен басып тұратын шашакты бау), түйемойнақ (дорба), жұқаяқ т.б. тұрмыстық, шаруашылық бұйым атаулары да осы үлгімен жасалған.

Осы топқа жататын тіл бірліктеріне шеберлердің құрал-жабдықтарына қатысты **сымтемір, сымтартақыши, атсалғыш, сапсалғы, шапшашот, белагаш, белшот, жұнтарақ, қоқбакыр, қаламтемір** секілді атауларды келтіруге болады.

2. Сын есім мен зат есімнің бірігүінен жасал-

*ған атаулар.* Мысалы: **көксауыр** (көк түсті сапалы былғары), **көкжеке** (көксауыр етік), **ақмұрт** (етіктің ішкі ұлтанды), **алаастек** (жол-жол мата), **ала-бақан** (кіз үй ішінде көлденен асып қоятын сырый), **алағұрт** (ою аты), **зілбарақ** (түкті кілем), т.б.

3. *Сан есім мен зат есімнің бірігуінен жасалған атаулар.* **Қосалқа**, **қосдөнгелек**, **қосмүйіз**, **қостіл**, **тоғыздөбе**, **жетігүл**, **бесгүл**, **бесбұрыш**, **бестаңба**, **бесжапырақ**, **бесжұлдыз**, **бесдонгелек**, **ұшқұлақ**, **ұшарқар**, **төртқұлақ** (ою-өрнек түрлері), **бесқасқа** (бес таспадан өрілген қамшы), **бесака**, **ұшака** (айыр), **бескоз** (мата түрі), **қосаяқ** (екі дәңгелекті арба), **қостабан** (шолак ұлтан), **қосбауырдақ** (жузік) т.б.

Көлөнер лексикасында етістік пен етістіктің, сын есім мен сын есімнің, зат есім мен етістіктің бірігуінен жасалған бірлі-жарым атаулар да кездеседі: **киіпжат** – диал. қой терісінен астарланған тақия. “Қазақ тілінің диалектологиялық сөздігінде” бұл атаудың Орал өнірінде қолданылғандығы көрсетілген [2, 105]. **Айналсоқ** – 1) диал. байланған малдың оралып қалмауы үшін, бас жіпке тағылатын айналмалы шығыршық. 2) ат байлайтын аласа қазық [3, 24], **төскебасар** (үскі), **желкебасар** (окпанның ер қосуда) арт жағынан жапсырылып, екі бетті біріктіріп тұратын ағаш, ер бөлшегі), **қаракаска** (щұғаның жолағы бар түрі), **қарала** (қара+ала) (алашаның жергілікті атауы). Келтірілген мысалдар аймақтық лексикаға тән.

4. *Сөздердің кірігуі арқылы жасалған атаулар.* Тілдің даму барысында дыбыстық, морфологиялық өзгерістерге ұшырап біріккен, тіпті екі сөзден біріккендігі білінбей кеткен, әбден жымдасып, кіріп кеткен атаулардың бір тобы қолөнер лексикасынан орын алады. Ондай сөздер ғылыми әдебиеттерде “кірігे біріккен сөздер”, “кіріккен сөздер” деп аталып жүр. Қолөнер лексикасының материалы бойынша олардың саны 30-дан астам.

**Ашайыр** (диал. аша; айырды тісінің санына қарай “ұшаша”, “төрташа” деп атай береді, атау **аша** және **айыр** сөздерінен бірігіп, жымдасып кеткен); **балғауыз** (қысқаш, **балық+ауыз**), **аққұс** (илен-ген терінің майын түсіретін ақ тас; **ақ+қас**; **қас** деп ертеде тасты айтқан; салыстыр. **қас сақина** – тасты сақина, **қасты жүзік** – асыл тасты жүзік); **дарұлтан** (диал. мәсі, **дара+ұлтан**); **карғауыз** (етікшінің қыскашы, **карға+ауыз**), **сіртақа** (аяқ киім өкшесіне салынатын қатты былғары, **сірі + тақа** (таға), **арба-гер** (диал. ыңыршак, **арба + егер** (ер), **алжапқыш** (жұмыс істегендеге колданатын белдемше, **ал(ы)+жапқыш**), **кебагаш** (етіктің басына кигізілетін қалып, кейбір аймакта бұл “үстірт” деп аталады),

**алтаяқ** (диал. тек уық пен шаңырақтан тұрғызылған кішілеу үй, **алты+аяқ**), **белбеу** (**бел+бау**), **кел-сан** (**келі+сан**), **керегап** (көшкенде керегені буып байлайтын қап, **кереге+қап**), **төсагаш** (**ағаш төсек**, **төсек+ағаш**), **жастагаш** (ағаш төсектің үстіне, жастықтың астына қойылатын төсектің бөлшегі).

**Бестақа** – диал. еркектердің өкшесі аласа етігі. Бұл атау тарихи тұрғыдан алғанда **пәс** (“аласа”) + **тақа** сөздерінің бірігуінен жасалған. Бұл атау, негізінде, Атырау, Манғыстау, Түркіменстан қазактары тілінде кездеседі. Ал Оңтүстік Қазақстанда “аласа”, “төмен” мағынасында **пәс** сөзі қолданылады: **бойы пәс** – бойы аласа, **пәс адам** – төмен (нашар) адам, **пәсейту** – төмендету т.б. Зерттеуші Ә.Нұрмағамбетов мұндағы **бес** сөзінің түп-төркіні парсы тілі екенін, парсы тілінде **пәст** “төмен”, “аласа” ұғымында жұмсалатынын жазған болатын [4, 22]. Біз де осы пікірді қуаттай отырып, бұл сөздің осы мағынасы аймақтық лексикада сакталып отырғанын көлтірдік.

**Тәркешқап** – аяққап; кесе, пиала салатын, былғарыдан жасалған, күміс шытыралармен, төгілмелі шашакпен әдемілеп тіккен ыдыс, аяққаптың сөнді бір түрі. Тәркешқап жасау өнер саналған. Мәселен, “коржын, аяққап, жастыққап, сандыққап, тәркешқап, жүкқап және музыкалық аспаптар қабы өз алдына тұрган өнер”, – дейді белгілі қазак суретшісі, өнертанушы Фани Ильясев [5, 144].

Өзбек тілінде **таркаш** – кесеге, табаққа арнап ағаштан, былғарыдан жасалған қап [6, 409]. Түркімен тілінің диалектілерінде **теркеш** – кесекап, ал әдеби тілдегі атауы – **серкеш** [7, 84].

М.Қашқаридың “Девони луғатит түрк” сөздігінде **тәркек**, **тәргәк** – ыдыс, бума, түйиншек, **кеша, гаша** – себет, көкөніс таситын көрзенке, қап (2-том, 29-б.; 3-том, 239, 256-66). Біздің ойымызша, қазак тіліндегі **тәркешқап** – ұш сөзден біріккен атау: **тәр+кеш+қап**. Мұндағы **тәр** сөзі **тері** сөзінің өзгерген түрі, салыстырыныз: көне түркі тіліндегі **тергек** – теріден жасалған ыдыс, өзбек тілінде де **таркаш** – тері ыдыс. Қазіргі **тері** сөзінің ыдыс атына байланысты **тәр тұлғасы** – көне тілдің реликті. Атаудың екінші белгілі **кеш** – көне түркі тілінен белгілі **кеша** (кесе) сөзінің өзгерген түрі. Ал **қап** – бөрімізге белгілі “ыдыс” мағынасындағы атау. Соньмен, бұл атау “теріден жасалған кесе салатын қап” деген ұғымды білдіреді. Атау “тері” + “ыдыс” + “ыдыс” үлгісімен жасалған.

**Гауњарпұрыш** – ертеде кентті жерлерде гауњар, жақұт, лағыл т.б. асыл тастармен сауда жасайтын адам. Шаңарлы жерлерде зергерлер

өздеріне қажет болған түсті асыл тастарды кейде осындай гауырпұрыштан (саудагер) алған, кейде материалды тапсырыс берушінің өзі тауып берген.

**Гауырпұрыш** – екі сөзден (дыбыстық өзгеріске түсіп) кірігे біріккен атая. **Гауыр** – асыл тас атауы, **пұрыш** парсы тіліндегі “сату” мағынасындағы **форуш** сөзінен шыққан [8, 668]. Жергілікті сөйлеу тілінде “атыншысы”, “бапкер” мағынасында **атпираш** сөзі қолданылады. Мұндағы **пыраш** сынары **форуш** сөзіне барып тіреледі. Қыргыз тілінің Ош диалектісінде аттарды алып-сатумен айналысатын адамдарды **атпуруш** дейді [9, 94].

Бүгінде **гауырпұрыш** сөзі қолданыстан әлде-қашан шығып, ұмытылып кетті. Атая – өткен замандағы шаńярлы жердің тұрмысынан және казактардың сыншылық өнерінен хабар беретін этномәдени тіл бірлігі.

5. Сөздердің қосарлануы арқылы жасалған атая-лар. Тігіншілік өнерінде “кім” ұғымына қатысты **киім-кешек**, **киім-кешек**, **киім-кеш**, **тақия-тап**, **жейде-дамбал**, **койлек-дамбал**, **тонтонау** секілді, зергерлік өнер лексикасында **оюорнек**, **жырым-шеттік** (күміс), **ер-тоқым**, **қалампыр-маржан**, **әйкел-тұрман**, **тана-түйме**, **темір-терсек**, **орак-балға**, **бака-түйме**, ершілік өнер лексикасына байланысты **ат-анжам**, **ер-тұрман**, **ер-тоқым**, **ат-әбзел**, кіз үйге байланысты **бау-басқұр**, **бау-жіш**, **бау-шу**, **жіп-шу**, тұрмыстық және шаруашылық заттарына қатысты **төсекорын**, **аяқ-табақ**, **қазан-ошақ**, **қазан-шабақ** (аяқтабақ), **қамыт-сайман**, **аяқ-шанақ** (ыдыс-аяқ), **андама-ділмала** (темір калақ), **аспап-анжам**, **ашыкмашық**, **қора-жай** (үй-жай), **ау-дәске** (құрал-сайман), **әлекей-шүлекей** (эр түрлі әлеміш, әшекей заттар), **әлекей-күлекей** (бұл да әр түрлі әлемштер), **корпе-кокір**, **корпе-жастық**, кетпеншот секілді жинақтау ұғымында қолданылатын атаулар бар. Сол тәрізді әр түрлі ұғымда қолданылатын **сән-шәүкет**, **сок-сок** (қиізді білектеу), **кару-қапышық** (қару-жарап), **шыж-мыж** (ас үй) секілді аймактық сипаттағы атаулар кездеседі.

Жоғарыдағы қос сөздердің мағынасы көпшілікке түсінікті болғанымен, олардың қайсыбіреулерінің сынарының семантикасы беймөлім. Мұның өзі олардың этномәдени семантикасын ашуды қажет етеді. Мысалы, қос сөздер құрамындағы **әйкел**, **бака**, **тана**, **шу**, **шанақ**, **шеттік** т.б.

**Әйкел-тұрман** – тұмарлы ер-тоқым. Ертеде қадірлі малға, әсіресе жүйрік аттардың мойнына, маңдайына әр түрлі заттардан тұмар тағылатын. Мұндай тұмарлар алтынмен атталып, күміспен

куптелген. **Әйкел-тұрман** жыр ұлгілерінде **аяр-тұрман** тұлғасында да ұшырасады. Негізінде, әйкел қыз-келіншектерге арналған, алқа тәрізді бүйім, әшекей болған. Мысалы:

*Іиқен асы асылдың  
Тамағынан көрінген.  
Қостан әйкел тағынган,  
Жұз теңгелік опа-ендік  
Екі бетке жасынган*  
(Қызы Жібек, 1963, 8-б.).

Осы жырдың 25-бетінде мынадай шумақтар бар:

*Сексен қыз нөкер қасында,  
Алты аласы алдында,  
Алты жесегесі жолында,  
Он екі жорға мойнына  
Күмістен қоңырау тағады.*

Осылан байланысты мынадай ескерту беріледі: “Бұл жерде тұпнұсқадағы “Алтын әйкел мойнында” (“он екі жорға мойнына” деген тармақты айтып отыр – Р.Ш.) деген сөйлемге қатысы жоқ сөздер сыйылды”. Жырды шығару үстінде тұпнұсқадағы әйкелге байланысты тармақты алып тастау оның мағынасын, әйкелдің не екенін түсінбегендіктен болған. Сондықтан әйкел атая-ның білдіретін мағыналарына, осылай аталағы отырган заттың тұрларіне қысқаша болса да тоқтала кеткеніміз жөн.

Әйкел жоғарыдағы мағынасында және одан басқаша мәнде өзбек, қарақалпақ, тәжік, түрікмен т.б. тілдерінде кездеседі. Өзбек тілінде **хайкал** – мойынға тағатын әшекей [6, 469] қарақалпақ тілінде **хайкал** – әйелдердің омырауына тағатын металдан жасалған сөндік бүйім [10, 71]. Заравшан тәжіктері тілінде **әйкел** – XX ғасыр басында (одан бүрын да) тіл-көз тимейді деген түсінік бойынша міндettі турде адамдарға, үй жануарларына тағылған тұмар. Тәжіктер құран сүрелерінен үзінді жазылған қағазды үшбұрыш былғары қалтаның, матаның ішине салып тігіп, оны өн қолына яки киімнің өн жағына, кейде құлаққа тағып жүрген. Әйкелді аттың жалына, малдың мүйізіне байлақтап қойған. Адамға да, малға да бірнеше әйкелден тағылған; Әйкелі бар адамға, малға жын-шайтан, дию т.б. жоламайды деген сенім болған [11, 73].

Қазақ тұрмысында бірнеше әйкел тағу әдеті жоғарыдағы “Қызы Жібек” жырынан анық бай-қалаады. Түрікмен тілінде **хайкел** – күмісті, шілтерлі, оюорнекті қалта. Оны иыққа салтанатты кездерде егде әйелдер таққан [12, 173].

Қазақ әйкелдерінің бір түрі зерлі матаға асыл тас, күміс тыныдар кадап, сол иықтың үстінен асынатын, кеудені орай келе қолтық астынан түймеленетін етіп жасалады. Оны қазақта қыздар

такқан.

“Камбар батыр” жырының кейбір вариантында кездесетін **әйкел-тұрман** атауы ерте кезде қазақтың жүйрік аттардың мойнына, мандаіына тұмар таққандығын билдіреді.

**Тана-тұйме** дегендегі **тана да, тұйме де** – бір заттың әр басқа атауы. Тана – көбінесе ақықтан жасалатын, кейде алтын мен күмістен соғылатын, омырауга, бас киімге сәндікке қадайтын үлкен, дөңгелек, ерекше жарқырап көзге түсетін әшекей, тұйме. Аймақтық лексикада кейінгі заманда көйлекке қадайтын үлкенді-кішілі тұймелерді де **тана** деп атаған. Түркі тілдері материалдарына зер салып қарасақ, **тана** “ақық”, “інжү” және “шыныдан яки фарфордан жасалған тұйме” дегенді анғартады екен.

Қазақ танасы түрікмендердің **гулиха** деп аталағын көлемді әшекей сияқты үлкен болады, бірақ одан айырмасы: тананың ортасында көбінесе асыл тас болмайды. Бұл әшекей атауы көркем шығарма тілінде де кездеседі: “Ақ койлектің кестелі жасагасына үлкен **тана** тақсан қызың суңғуір қасқалдақтай” (С.Жұнісов. Ақан сері, 1971, 45-б.). Осыдан келіп қыздың жарқыраған үлкен дөңгелек көзін “тана көз” деп атау қалыптасқан. Қазақтың өткен тұрмысында осы бұйымның эстетикалық, әлеуметтік мәнінің жоғары болғандығын білдіретін **тана тағар** салты да болған. Ол туралы алдағы уақытта кенірек сөз етіледі.

**Бақа тұйме** – ұсак-тұйек әшекейлер. Қос сөз құрамындағы **бақа** атауы тұйменің түрін білдірмейді. Аймақтық қолданыста **бақа** сөзі екі түрлі ұғымда қолданылады: 1) ең кішкене; 2) алса, тапалтақ [3, 108]. Қазақ қыздары **бақа ине** деп аталағын ең кішкене инемен тігеді. Қос сөздегі **тұйме** аталағын заттың да үлкен емес, кішкентай, ұсак болатындығы мәлім. Олай болса, жоғарыдағы **бақа-тұйме** тұлғасы “ұсак-тұйек” дегенді анғартады. Бұрынғы кезде ел аралап, ұсак-тұйекпен сауда жасайтын адамды **бақалышы, аттерші** деп әртүрлі атаған. Тілімізде “ұсак адам” дегенді білдіру үшін **бақай есеп** деп атайды.

Қорыта айтқанда, **бақа-тұйме** қос сөзіндегі **бақа** сөзінің “ұсак”, “майда”, “кішкентай” деген мағынасы **бақалышы, бақа ине, бақай есеп** сияқты сөздер мен сөз тіркестерінің бойында сақталып отыр.

### ӘДЕБІЕТ

1. Калиев Б.К. Лексико-семантическая и морфологическая структура названий растений в казахском языке. Алматы: Мектеп, 1996. 168 с.
2. Қазақ тілінің диалектологиялық сөздігі. 2-кітап. Алматы: Ғылым, 1999. 240 б.
3. Қазақ тілінің диалектологиялық сөздігі. 1-кітап. Алматы: Ғылым, 1996. 200 б.
4. Нұрмагамбетов Ә. Жергілікті тіл ерекшеліктерінің төркіні. Алматы: Мектеп, 1985. 160 б.
5. Ильяев Ф. Қазақтың байыргы өнері // Жүлдыз. 1971. №6.
6. Узбекско-русский словарь. М., 1959.
7. Атаниязов С. Слова, обозначающие футляр для пиал в диалектах туркменского языка // Советская тюркология. 1982. №1.
8. Миллер Б.В. Персидско-русский словарь. М., 1953.
9. Бакинова Г. Кыргыз тилини Ош говорлору. Фрунзе, 1956.
10. Доспанов О. Қарақалпақ тили қубла диалектиниң лексикасы. Некис, 1977.
11. Семенов А.А. Этнографические очерки Заравшанских гор Каратегина и Дарваза. М., 1903.
12. Васильева Г.П. Туркмены-нохурлы // Среднеазиатский этнографический очерк. М., 1954.

### Резюме

Рассматриваются вопросы аналитического способа словообразования лексических единиц прикладного искусства.

Институт языкоznания  
им. Байтурсынова МОН РК,  
г. Алматы

Поступила 2.06.2006 г.